

**ACTA DERA MESA DE CONTRACTACION DERA GESTION DETH PARC DE
VISUALIZACION DE FAUNA D'ARAN.**

Vielha, 22 de març de 2012.

Qu'en tot auer estat aprovat peth Conselh de Govèrn de 4 de mai de 2011 er expedient de contractacion, deth plec de clausules administratives deth procediment dubèrt, atau coma era convocatòria deth sòn concors.

Dat que publicat en DOGC num. 5886 de 25/05/2011 e en perfil deth contractant en data 17/05/2011 aguesta licitacion, demorèren definitivament aprovadi es plecs de clausules d'aguesta gestion de servicis publics, en non auer-se presentat cap d'allegacion ne reclamacion en contra, eth dia 14 de junh de 2011.

Dat que, com a conseqüència des eleccions en Conselh Generau d'Aran, celebrades eth passat 22 de mai de 2011, gessec escuelhut un nau govèrn, en tot mantier-se enquiara sua presa de possession, eth dia 18 de junh de 2011, er anterior govèrn en foncions damb es limitacions fixades enes articles 194.2 der Lei Organica 5/85, de 19 de junh, deth Regim Electorau Generau (LOREG) e 39 deth Reiau Decrèt 2568/1986, de 28 de noveme, peth quau s'apròve eth Reglament d'Organizacion, Foncionament e Regim Juridic des Ens Locaus (ROF).

Dat que finalizat eth tèrme de 20 dies naturaus de presentacion de prepauses conforme era clausula 16au, cònste coma presentat en Registre d'Entrada d'aguesta Corporacion eth següent UNIC licitador:

1. Registre d'Entrada num. 1674 de 10/06/11: *SERGE MOUNARD*.

Dat que, coma conseqüència deth traspàs de foncions, non se convoquèc era mesa de contractacion entara dubertura des pliques d'aguesta licitacion enes tèrmes establidi ena clausula 17au deth plec.

Dat que, constituït eth nau govèrn d'Aran en dat 18 de junh de 2011, ara vista der informe desfavorable de Secretaria e Intervencion de 4 de mai de 2011 sus era dubertura dera licitacion d'aguest contracte, pes deficiències observades ena madeisha, ath sòn criteri, sus licències, permisi e disponibilitat de terrenhs, aguest se plantegèc suspènèr era licitacion nomentada enquiara subsanacion des defèctes trapats.

Dat que per acòrd de Conselh de Govèrn de 18 de junhsèga de 2011 se suspenec eth procediment de contractacion dera *GESTION DETH PARC DE VISUALIZACION DE FAUNA D'ARAN*, peth sistèma de concors public mejançant procediment dubèrt, enquiara subsanacion des defèctes observadi ena tramitacion der expedient damb disposicion deth lheuament dera suspension acordada en moment que s'agen subsanat toti es defectes nomentats, en tot dispausar-se era convocatòria dera mesa de contractacion d'aguest procediment entara dubertura des pliques dera madeisha.

Dat qu'en Conselh de Govèrn de data 19 de març de 2012 s'aprovèc eth lheuament dera suspension deth procediment de contractacion dera Gestion deth Parc de Visualizacion de

fauna d'Aran dat que se procedic ara subsanacion des defèctes observadi ena tramitacion der expedient.

Qu'en conseqüència, e de conformitat damb era clausula 17aua, se convoquèc e amassèc era Mesa de Contractacion eth dia dia 22 de març de 2012, tàs 12.25 ores, as efèctes de procedir ara dubertura en acte public des diferents prepauses, damb es següents assistents:

- Mgf. Sindic d'Aran, Sr. Carlos Barrera Sánchez, o conselhèr en qui delègue, qu'actuarà coma president dera mesa.
- Mgf. Sr. Francesc Medan Juanmartí, conselhèr de Governacion, per delegacion deth Mgf. Conselhèr d'Administracion Publiques e Finances, vocau.
- Mgf. Conselhèr de PAGESIA e MIEI AMBIENT, Sr. José Enrique Arró Cuny, o conselhèr en qui delègue, vocau.
- Eth secretari-interventor accidentau dera corporacion, Sr. David Montalà i Palau, vocau o foncionari dera Corporacion en qui delègue.
- Un foncionari dera corporacion, Sra. Montse Moran Capdevila, qu'actuarà com a secretària.

Ara seguida eth Secretari deth Conselh Generau d'Aran, expause que cossent damb era legislacion vigenta se procedirà ara dubertura en aquest acte des engolòpes "A" *Documentacion administratiua* e engolòpa "C" *Documentacion Tecnica*, en tot procedir ara dubertura dera engolòpa "B" *Prepauza economica* un còp se dispausen des informes tecnicos sus era documentacion tecnica. Atau madeish realize un breu resum deth procediment de licitacion que quede enquiara adjudicacion d'aquest contracte. Explique qu'ac tractasse d'ua licitacion a on es criteris subjectius de valoracion son superiors as criteris resultants dera mera aplicacion de fórmules, ei de besonh era constitucion d'un comitè d'expèrts que avalore es prepauses presentades pes empreses licitadores. Expause que cossent damb era clausula 17aua, aquest comitè d'expèrts aurie d'ester format peth Sr. Ivan Afonso Jordana, responsable de Medi Natural del Conselh Generau d'Aran, era Sra. Marisol Ariño Collo, tècnica de turisme del Conselh Generau d'Aran, eth Sr. Jordi Mestre González, arquitecte tècnic del Conselh Generau d'Aran, eth Sr. Carlos Pintos, tècnic de salut pública del Servicì Aranés de Benèster e Salut, e per un tecnic designat pera Diputació de Lleida, as quaus calerà designar mejançant Decret de Sindicatura un còp era Diputació nomènte ath sòn tecnic. Acabe eth secretari explicant que tanlèu coma se produisquen aquesti nomentaments des expèrts se publicaran en perfil del Contractant deth Conselh Generau d'Aran, en tot manifestar qu'en aquest moment poderà procedir-se ara abstencion o recusacion des sòns membres, se procedís.

Era Mesa de Contractacion procedic ara dubertura e analisi dera engolòpa A de "*Documentacion Administrativa*" der UNIC licitador, e i detectèc defèctes esmendables, en tot reclamar era sua subsanacion en un tèrme maxim de 3 dies obrants a compdar dera notificacion as licitadors:


1. *SERGE MOUNARD*: Manque ficha resum RELI; Manque compulsa dera documentacion presentada qu'acrediten era personalitat e era representacion. Calerà presentar es originaus.

Qu'era mesa declarèc coma admetut ar UNIC licitador damb era sauvaguarda dera subsanacion des defèctes esmenables abantes nomentats.

Qu'acte seguit se procedic a daurir era engolòpa C de "Documentacion Tecnica" der UNIC licitador, que conteng es documents qu'an de perméter ara mesa de contractacion era avaloracion des condicions des aufèrtes segontes es critèris d'adjudicacion, en tot hèr ua petita lectura des aufèrtes presentades, e sauvant-se aguesta documentacion ena Secretaria dera Corporacion enquiath moment que s'age constituït eth Comitè d'Expèrts, quan se les liurarà aguesta documentacion entara redaccion des informes tecnicos de besonh que permeten era avaloracion tecnica d'aguesta prepausa.

Ara seguida, era mesa acordèc, cossent damb era clausula dètz-e-setau des plecs de clausules que regissen era licitacion, mejançant procediment dubèrt, dera *GESTION DETH PARC DE VISUALIZACION DE FAUNA D'ARAN*, tornar-se a amassar un còp eth Comitè d'Expèrts age avalorat es prepauses tecnicas, entà procedir, un còp s'age dat a coneisher eth resultat dera avaloracion realizada peth Comitè, ara dubèrtura des engolòpes B "Prepauses economicas" e realizar era prepausa d'adjudicacion ath licitador qu'age presentat era aufèrta economicament mès avantatjosa, cossent damb es critèris d'adjudicacion.

Entàs tretze ores e trenta minutes se da per acabada aguesta session.



Carlos Barrera Sánchez
President

Francesc Medan Juanmartí
Vocau

José Enrique Arró Cuny
Vocau

David Montalà i Palau
Vocau

Montse Moran Capdevila
Secretàia